



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLXXVII. ad annum DXC.

Parisiis, 1644

Epistola L. Gregorii Papae I. Ad Symmachvm Defensorem. De Orosio
abbate in Gorgone insula ordinando.

urn:nbn:de:hbz:466:1-15221

recta fuerint visa disponat, & nobis quæ ab eo ordinata fuerint, renuntiet. Proinde admonemus, vt omnem ei obedientiam præbeatis. Et quidquid disposuerit, velut a me dispositum cum debita reuerentia custodite.

EPISTOLA L.

GREGORII PAPÆ I.

AD SYMMACHVM DEFENSOREM.

De Orosio abbate in Gorgone insula ordinando.

Gregorius Symmacho defensori.

FILIVS meus Bonifacius diaconus dixit mihi, quod experientia tua scripsisset, monasterium quondam ab Albina religiosa femina constructum paratum existere, vt in eo debeant monachi ordinari. Et quidem laudavi sollicitudinem tuam, sed volo vt excepto eo loco, qui iam in eandem rem dimissus est, locus alter debeat prouideri: ita tamen vt pro incertitudine temporis locus super mare requiri debeat, qui aut loci dispositione munitus existat, aut certe non magno labore muniri valeat, vt illuc monachos transmittamus: quatenus insula ipsa, quæ monasterium nuncusque non habuit, etiam in huius conuersationis via meliorari debeat. Ad quam rem implendam atque prouidendam, Orosium abbatem præsentis præcepti portitorem direximus, cum quo tua experientia litora Corsicæ circumeat: & si cuiuslibet personæ priuatæ locus talis inueniri dignus potuerit, dignum parati sumus precium dare, vt possimus aliquid firme constituere. Cui præfato Orosio iniunximus, vt in Gorgonem insulam pergat, cum quo tua experientia pariter eat, & mala omnia, quæ illic cognouimus admissa, ita vindicate, vt per vltionem vestram præfata insula etiam in posterum maneat correctæ. Huius insulæ monasteria sæpefatus abbas Orosius instituat, atque ita ad nos remeare festinet. Ita igitur experientia tua faciat, vt ex vtraque re, id est, vel prouidendo in Corsica monasterio, vel corrigendis monachis in Gorgonia, non nostræ, sed voluntati omnipotentis Dei parere festinet. Præterea volumus vt sacerdotes qui in Corsica commorantur, prohiberi debeant ne cum mulieribus conuersentur, excepta dumtaxat matre, sorore, vel vxore,

Concil. Tom. 13.

Ee

Grat. dist.
81. cap. 24.
luc p. 6. c.
80.

quæ caste regenda est. Tribus vero de quibus prædicto filio meo Bonifacio diacono tua experientia scripsit, quia vehementer egent, quidquid eis sufficere æstimas impende, quod nos in tuis postmodum rationibus imputabimus. Data mensē Iulio.

EPISTOLA LI.

GREGORII PAPÆ I.

AD FELICEM EPISCOPVM SIPONTINVM.

Canusinam ecclesiam commendat.

Gregorius Felici episcopo Sipontino.

PERVENIT ad nos quod Canusina ecclesia ita sit sacerdotii officio destituta, ut nec poenitentia ibidem decedentibus, nec baptisma præstari possit infantibus. Huius igitur tam piæ rei tamque necessariæ mole permoti, iubemus dilectioni tuæ, ut huius præceptionis auctoritate communitus memoratæ ecclesiæ visitator accedas, & vel duos parochiales presbyteros debeas ordinare, quos tamen dignos ad tale officium veneratione vitæ, & morum gravitate prævideris, & quibus in nullo obuiant constituta canonicæ disciplinæ, ut sanctæ cum digna cautela provideatur ecclesiæ.

EPISTOLA LII.

GREGORII PAPÆ I.

AD IOANNEM EPISCOPVM SVRRENTINVM.

Præcipit consecrationem monasterii sancti Stephani.

Gregorius Ioanni episcopo Surrentino.

RELIGIOSIS desideriis facile est præbere consensum, ut fidelis deuotio celerem fortiatum effectum. Et quoniam Sauinus abbas monasterii sancti Stephani insulæ Capris suggessit nobis se S. Agathæ martyris reliquias iam olim apud se habere concessas, & in monasterio suo vult ipsa sanctuaria collocari, ideoque ad prædictum monasterium te iubemus accedere, & si ibidem nullum corpus constat humatum, prædicta sanctuaria sollemniter collocabis, ut deuotionis suæ potiatur effectum.